

# 庶物類纂

蟲屬  
自三十七至三十八

容


太政官文庫			
和書門	特別類	三三六二號	著手四番函
		四六五册	

内閣文庫	
番號	和 32362
冊數	465(359)
函號	函 54 1

百内

共五十六









庶物類纂蟲屬卷之三十七目次

金

蚋

蟻子

含毒

子

庶物類纂

蟲屬目次

蚕

俗名那迷





蚤

說文曰蚤齧人跳蟲也太平御覽

淮南子曰釋大道任小枝無異使蟾諸捕之蚤同上

機謹按淵鑑類函無之字

趙壹解擯賦曰丹鴻可殺蚤也同上

曹植論曰孟春之且從太陽方貴放鳥雀者加其祿也得者莫不馴而放之為利人也得蚤者莫不摩之齒牙為害身也同上

蚤齧人跳蟲也緩輒失之辨之在蚤故為早暮之早



其字从瓜瓜而得之說文作蚤韓子曰韓昭侯搔而  
佯亡一蚤求之甚急左右因取其蚤而殺昭侯以此  
察左右之不誠也莊子曰鴟鴞夜撮蚤晝日瞑目而  
丘山考以其微而善跳鴟鴞獨能夜撮之以喻其精  
明如此非果有蚤撮之也說者乃謂人翦爪在地鴟  
鴞夜至人家撮拾視之知有吉凶輒更其家故五行  
書埋爪必有處所此自一說未必莊書之本旨也今  
沐猴亦好為人撮蚤云淮南子云昌羊吞蚤虱而人  
弗集者為其來蛉窮也昌羊今之昌蒲蛉窮入耳之

蟲則所去之害小而所來之患大趙壹解擯賦舟鴻

可殺蚤宋羅願爾雅翼

機 謹按从瓜瓜而三才圖會作从爪爪而

蚤齧人跳蟲也出於塵土間或以為蟻化諒然乎格物

總論○合壁事類

治蝨菖蒲末摻蓆下或多聚菖蒲葉鋪牀又以菖蒲  
同草烏為末摻牀上又法白膠香薰之虱蝨盡去又  
以辣蓼晒乾鋪牀祛蝨虱臭蟲又百葍燒烟薰之又  
木瓜切片鋪牀下或焚燒併去狗蝨壁虱明馮應京月令廣義



燒棗碎，蚕以熨斗燒一棗于牀下。同上

蚕齧人蟲也，黑色善跳，俗云虱生汗垢，蚕生積灰，亦有雌雄，雄小雌大，或曰布谷鳥所吐如蚊，母之吐蚊

也。故三月蚕多，至四五月漸衰，又一種身扁而臭，不

能跳，善齧人，名曰交蚕，又名扁虱。京師呼壁陀蟲。明彭

大翼山堂肆考

韓子曰：韓昭搔而痒亡一蚕，求之甚急，左右因取己

蚕虱而殺之，昭侯以此察左右，不誠也。同上

採芸香葉置蓆下，能去蚕虱。明范貞一典籍便覽

又方：端午日以熨斗燒一棗于牀下，可辟蚕。同上

臘月上水日，勿令人見，密用水或酒，隨些少噴灑薦

蓆褥毯，碎蛇蚕壁虱。同上

五月五日，熨斗燒熟，人棗一枚，煨令烟起，投之床下

能辟蚕蟲。明張大岳文集

續博物志曰：土乾生蚕。淵鑑類函

曹植論曰：得蚕者莫不摩之齒牙，為害身也。同上

蚤蚘蟲。曹縣志

謹按：證類本草、草綱目不收載蚤蟲，一欠事。

庶物類纂 卷三十七  
也


蚘

俗名虎  
脱

庶物類纂 卷三十七

虫 属 蚘





蚋

梁書曰、漢末、氏丁貴、嬪諱令、光譙國人、人也、初貴、嬪少時、與鄰女、月下紡績、諸女病患、蚊蚋而貴、嬪弗之覺也、  
 又曰、孫謙居身儉素、牀施蔕蔕、屏風、冬則布被、荒席、  
 夏日無情、帳而夜臥、未嘗有蚊蚋、人多異焉、  
 列子曰、目將眇者、先睹秋毫耳、將聾者、先聞蚋飛、  
 淮南子曰、涸牛之昂涕、而蠅蚋弗敢入、涸牛受一崑  
 山之玉瑱、崑山崑崙也而塵垢弗能汙也、  
 又曰、羊因不慕蟻、蟻慕於羊、因羶也、醯酸不慕蚋、布

庶物類纂卷三十一  
 蟲屬  
 蚋  
 二



蚘慕於醯酸也。

呂氏春秋曰、走驢黃蚘、聚之有酸也。美徒水則必不可以致狸鼠、以冰致蠅、雖上聖不能以茹魚致蠅、蠅愈至。茹女反、臭虫也。以致之之道不去也。以上太平御覽

按元稹長慶集云、蜀中小蚊名蚘子、又小而黑者為蠓子、微不可見、與塵相浮上下者為浮塵子、皆巢于巴蛇鱗中、能透衣入人肌膚、雷成瘡、毒人極苦之、惟搗楸葉傳之則瘥、又祝穆方輿勝覽云、雲南烏蒙峽中多毒蛇、鱗中有蟲名黃蠅、有毒雷久成瘡、但勿搔

以冷水沃之、擦鹽少許即愈、此亦蚘蠓之類也。明李東璧

本草綱目

蚘儒、稅切音苻、似蚊而小、望之如霧、因雨生、又醋蟲曰醯、雞荀子醯酸而蚘聚、一名蠓、蠓、梵書蚊蚘小虫、之屬、名曰諸、趣說文作蚘、六書故曰蚊、蚘不得為一物、集醯者細于蚊、亦謂之蚘、倍誤謂蚘為蚊。清廖文英正字通

蚘子之下有蠓子、蠓子之下有浮塵子、三者異乎、皆狀小而異也、云巴蛇鱗介中微蟲所變耳、三伏間畫



飛夜息，啞啄人肌膚，動為瘡，病能飛，不見其翼，能鬻  
 不見其口，微眇之極，雖縝密衣服，亦可通透。莊生焦  
 螟之說，近之也。至微之蟲，豈詩獨無蚋，故作賦以廣  
 之。五代王周蚋子賦序。○清陳元龍御定歷代賦彙  
 蚋蚊屬合璧云：蚋子又有蠖子，浮塵子，蠖子黑而小，  
 夜伏晝飛，浮塵子色微白，不可見，與塵相浮上，下人  
 竝惡之。杭州存志

蠖子



蠓子

蠓子黑而小不礙紗穀乃夜伏而晝飛

格物總論合璧事類

元稹蟲豸詩序曰蠓蚊類也其實黑而小不礙紗穀

夜伏而晝飛聞拍煙與麝香輒去浮塵蠓類也其實

微不可見與塵相浮而上下人苦之往往蒙絮衣自

蔽浮塵輒能通透及人肌膚皆已蛇鱗中之細蟲故

蠓人成瘡秋夏不愈膏楸葉而傳之則差

淵鑑類函

有蠓子色黑亦能咬人毒亦不甚視其生處即楚鹽

樹葉背上春間生之葉卷成窠大如桃李名五倍子



治一切瘡毒收者曬而殺之即不化去不然者必竅  
穴而出飛為蠖子其貴州通志

含毒

庶物類纂 卷三十七

虫 屬

含毒

含毒

含毒者蚊蚋之屬江嶺間有之柳連界尤甚為客中者慎勿以手搔之但布鹽於上以物封裹半日間毒則解矣若以手搔癢不可止皮穿肉穴其毒彌甚湘衡北間有之其毒稍可峽江至蜀有蠖子色黑亦能咬人毒亦不甚視其生處即焚鹽樹葉背春間生之葉卷成窠大如桃李名為五倍子治一切瘡毒收者曬而殺之即不化去不然者必竅穴而出飛為蠖子矣黔南界有微塵色白甚小視之不見能晝夜害



入雖帳深，蜜亦不可斷，以麝、茶燒之，煙如焚香狀，即可斷之。又如席鋪油，帳隔之，稍可滅。出錄異記。太平廣記。含毒者蚊、蚋之屬，江、嶺間有之。黔界尤甚，為客中者慎勿以手搔之，但布鹽於上，以物封裹，半日間毒則解矣。若以手搔，癢不可止，皮穿肉穴，其毒彌甚。湘、衡北間有之，其毒稍可峽。江至蜀。貴州通志。

子子

一名蝟爾雅疏 一名蠖同上 一名蝓同上 一名沙  
蟲通雅 一名釘倒蟲三才圖會 一名打拳蛆同上

俗名霍蕪ホウフ 麤麤リム 母ム 十シ 又名迷紫ミツム 母ム 十シ 周防又  
名德母テム 憂狐ウカ 母ム 十シ 陸奥州 又シ 名十麤虎リフ 麤母ム  
十シ 備前州



子子

蛸蠖

爾雅

井中小蛸蠖赤蟲一名子子廣雅云爾雅郭璞

井中小赤蟲也一名蛸一名蠖一名蛸蠖又一名子

子廣雅云子子蛸是也

宋邢昺爾雅疏

蛸蠖井中小蛸蠖赤蟲一名子子此郭氏說也蛸在

交切今水中赤蟲無足其細若縷長二三分細沙

中有穴如箴孔俗呼沙蟲莊子井蛙之喻以還軒蟹

與科斗莫吾能若軒謂此物後鄭注考工記刺兵欲

無蛸云蛸亦掉也謂若井中蟲蛸之蛸言若此蟲之



蛸蛸擾擾然則此蟲亦好動矣若子子則化蚊者其大小長短略與此相類而色物不同淮南子曰子子為蟲許叔重曰子子結蠶水上到跂蟲讀廉二字予按說文子無右臂也一曰單也健也子無左臂也一曰子子短也今子子夏秋間積水惡濁則生之其身既短好聳腰而上群浮水際遇人暫下其行一曲一直獨以腰為力若人無臂然又終朝不已若甚健者故有子子之名子又音吉子音厥又九勿切或為蛸蛸字異而音義同俗又名釘倒蟲即許氏到跂之義

也經曰稍久則蛻而為蚊足有文彩白黑相間慘於常蚊葛稚川之書曰蟻蠓之育於醢醋芝孺之產於木石蛸蛸之滋於汚淤翠蘿之秀於松枝非彼四時所創匠也言皆因物成形自無而有耳段成式云水蛆南方溪澗中多此蟲長寸餘色黑夏深變為蚩蚩又甚毒此類長寸而為蚩則又大予別而論之宋羅願爾雅翼今中都有拳魚者能變魚以金色鯽為上鯉次之貴游多鑿石為池寘之簷牖間以供玩問其術秘不肯



言或曰以闔市濟渠之小紅蟲飼凡魚百日皆然初  
自如銀次漸黃久則金矣未暇驗其信否岳亦齋

機謹按所謂濟渠之小紅蟲即子子蟲也本邦養  
魚者飼金魚用此蟲以為常白變黃黃變金驗果  
然矣

淮南子曰子子為蠹子子今雨水中小蟲也其形短  
而屈羣浮水面見人則沉其行一曲一直若無臂然  
故名之子無右臂也子無左臂也一作子子又音吉厥  
或作蛞蝓稍久則浮水上而為蚊矣葛稚川曰蟻蝶

之育於醞醋芝櫛之產於枯木蛞蝓之滋於泥淤翠  
蘿之秀於松枝彼非四時所創匠也言皆因物成形

自無而有耳明陳留謝肇淛五雜俎

天地間氣化形化各居其半人物六畜胎卵而生者  
形化者也其它蚤蟲蟬蠹科斗蚶蚘之屬皆無種而  
生既生之後抱形而繁即殄滅罄盡無何復出蓋陰  
陽氤氳之氣主於生育故一經薰蒸醞釀自能成形  
蓋即陰陽為之父母也同上

蛞蝓井中小蛞蝓赤蟲一名子子子短也夏秋間



積水惡濁則生之其身既短好聳腰而上群浮水際  
遇人暫下其行一曲一直獨以腰為力若人無臂又  
終朝不已若甚健者故有子子之名又名釘倒蟲經  
日稍久則蛻而為蚊今俗呼為打拳蛆段成式曰水  
蛆南方溪澗中多此蟲長寸餘色黑夏深變為蚩螿  
久甚毒此類長寸而為蚩則又大故別而論之

三才圖會續集

子子生蟲蚘蚘其細者○水中赤蟲曰蛸蛸一名子  
子俗呼沙蟲說文曰子無右臂子無左臂游水際遇

明王思義

入則沉以腰有力通其音為蛸蛸淮南子曰子子為  
蟲高誘曰子子倒跂蟲也子才作子子蟲即蚊亦作  
蟲說文作蛸而銳切秦晉曰蛸楚謂之蚊其實蚊蚘為  
二物蚘蟲之訥者荀子曰醯酸而蚘聚益生醯中曰  
醯雞亂飛曰蟻蠓音樣占家以旋主風衝主雨蠓亦甚  
細然為知聲蟲今人以醯雞為鄉非也又有鳥曰蟲  
母郭璞曰似鷄而大黃白雜文聲如人嘔其吐納皆  
蚊鄧氏曰鷓也清方以智通雅  
子子水中赤蟲游水際遇人則沉俗呼沙蟲一名蛸



螺淮南子子了為蟲註倒跂蟲也化為蟲蟲即蚊也  
从了了篆作了象人立見左臂形如王會圖一手國  
人是也說文無右臂說泥清廖文英  
正字通

庶物類纂蟲屬卷之三十八目次

蚊



蘇物類集卷之三十一

蚊

一名白鳥大戴禮 一名黍民古今註

俗名憂カ 又名母拉母ムラムシ 十シ 陸奥川 又名孤ク 七チ 虎コ 脫ト

川出羽

蘇物類集卷之三十一

蟲屬蚊

蘇物類纂卷三十一

蚊

鷓蟲母

爾雅

似烏鷓而大黃白雜文鳴如鷓聲今江東

呼為蚊母

俗說此鳥常生蚊故以名云

晉郭璞爾雅註

南方蚊翼下有小白蟲焉目明者見之每生九卵復

未嘗有暇復成九子蜚而復去蚊遂不知亦食人及

百獸食者知言蟲小食人不去也此蟲既細且小因

曰細蚊陳章對齊桓公小蟲是也

埤按陳章鷓蠅巢於蚊睫事見晏子

春秋此蟲常春生以季夏藏于鹿耳中名嬰蜺

漢東方朔神異

經○說部

蘇物類纂

卷三十一

蟲屬

蚊

二



機謹按暇正字通暇土玩切音段說文卯不孚也  
法言先知篇雌之不才其卵暇矣君之不才其民  
野矣註暇敗也俗謂之思麼霍

案蟲害人者莫如蚊蚋蚊蚋歲生如以蚊蚋應災世  
間常有害人之吏乎必以食物乃為災人則物之最  
貴者也蚊蚋食人尤當為災必以暴生害物乃為災  
夫歲生而食人與時出而害物災孰為甚人之病疥  
亦希非常疥蟲何故不為災且天將雨蟻出蚋蜚為  
與氣相應也或時諸蟲之生自與時氣相應如何輒

歸罪於部吏乎天道自然吉凶偶會非常之蟲適生  
貪吏遭署人察貪吏之操又見災蟲之生則謂部吏  
之所為致也漢王充論衡

白鳥蚊也齊桓公卧柏寢謂仲父曰一物失所寡人  
悒悒今白鳥營營是心饑耳因開翠紗幘進之梁蕭繹金

晏子曰景公謂晏子曰天下有極小乎對曰有蟲巢  
於蚊睫再乳而飛蟲不為驚名曰焦螟唐歐陽詢藝文類聚  
列子曰江浦之間生麼蟲名曰焦螟羣飛而集於蚊



睫弗相捕也。栖宿去來蚊弗覺也。見離朱子。羽方書  
拭皆揚眉而望之。弗見其形。師曠方夜。擗耳俛首聽  
之。弗聞其聲。唯黃帝與廣成子居崆峒之上。同齋三  
月。心死形廢。倏以神視。歛然見之。若嵩山之阿。除以  
氣聽。碎然聞之。若雷霆之聲。以有形涉神明之境。嵩  
山未足喻其巨。以有聲涉空寂之域。雷霆之音未足  
喻其大。同上  
續搜神記曰。吳舍人名猛。小兒時在父母膝下。夏日  
多蚊。而終不搖扇。有同宿人覺問其故。荅曰。懼蚊

蠹去。嗜我父母耳。同上

馳糞煙殺蚊壁虱。唐李石續博物志

端新州有鳥類青。鯢而嘴大。常在池塘間捕魚而食。  
每作一聲。則有蚊子羣出其口。按小雅曰。鷦鳥似鳥  
而大。廣志云。蚊母此鳥吐出蚊也。土人云。其翅堪為  
扇。惟辟蚊子。與陳藏器說同。又云。塞北有蠹母。草嶺  
南。蠹母木。南越志云。古度樹一呼。那子。南人號曰柁。  
日亞反不華而實。實從木。皮中出。如綴珠。璫其實大如  
櫻桃。黃即可食。過則實中化蛾飛出。亦有為蚊子者。



袁光庭累典名藩皆有異政明皇詔宰輔曰袁光庭

性逐惡如扇驅蚊蚋

唐王仁裕開元天寶遺事

大戴禮夏小正曰丹鳥羞白鳥

白鳥蚊也

漢書曰中山靜王朝天子置酒聞樂聲而泣問其故靖王對曰臣聞衆煦漂山聚蚊成雷

後漢書曰趙炳有道術人服從者如歸章安令惡其惑衆收殺之人為立祠堂於求康至今蚊蚋不敢入也

晉書曰道安曰猛虎道食不覺蚊蚋來

唐史曰江東有吐蚊鳥夏夜鳥吐於蘆荻中湖湘尤甚

晏子曰東海有蟲巢蚊睫乳而不飛蚊不驚名曰焦冥

莊子曰夫愛馬者以筐盛屎以盂盛溺適有蚊蚋撲緣而拊之不時則缺毀者碎骨

又曰肩吾見狂接輿狂接輿曰日中始何以語汝肩吾曰告我君人者以已出經或義度民敦敢不聽而



化接輿曰是敗德也其於治天下也猶涉海鑿河而使蚊負山也

又曰孔子見老聃而語仁義老聃曰夫播糠眯目則天地四方易位矣蚊蚋啣<sub>音</sub>膚則通宵不寐矣

淮南子曰夫貴賤之於身也猶條風之時麗也<sub>時麗忽一</sub>過毀譽之於己也猶蚊蚋之一過也

又曰蜂蠆螫指而神不能<sub>音</sub>揆<sub>音</sub>蚤<sub>音</sub>蚋<sub>音</sub>啣<sub>音</sub>膚<sub>音</sub>而性不能平令憂患之來嬰人心也非直蜂蠆之螫毒而蚤蚋之<sub>音</sub>惜<sub>音</sub>怛也而欲靜莫虛無奈何也

年子曰昔公明儀有牛彈清角之操伏食如故轉為蚤蚋聲則翹尾而躡蹠

夏侯子曰一螳之行一蚊之飛聖人皆知之孝子傳曰吳猛年七歲時夏日伏於母牀下恐蚊蚋及父母

蕭廣濟孝子傳曰鄧展父母在牖下卧多蚊展牀伏下以自當

論衡曰蚊蚋不知牛馬之力牛馬困於蚊蚋蚊蚋有勢也



搜神記曰吳猛性至孝小兒時在父母邊卧夏時多蚊蚋而終不搖扇恐蚤去已而及父母

嶺南異物志曰嶺表有樹如冬青實在枝間形如枇杷子每熟即折裂蚤子羣飛唯皮殼而已士人謂之蚊子樹

嶺表錄異曰蚊母鳥形如青蠅嘴大而長於池塘捕魚而食每叫一聲則有蚊蚋飛出其口俗云採其翎為扇可辟蚊子亦呼為吐蚊鳥

潤州城南隅有樓名萬歲樓俗傳樓上烟出刺史即

死不死即貶開元已前以潤州為店闕董璠為江東採訪使嘗居此州其昔書曰烟出刺史皆憂懼狼狽愁情至死乾元中忽然又書日烟出圓可一尺餘直上數丈有吏密伺之就視其烟乃出于樓角隙中更近而視之乃蚊子也樓下有井井中無水黑而且深小蟲蟻蠓蛛網之類色黑而小每晚晴出自于隙中作團而上遙看類烟以手攬之即蚊蚋耳從此知非刺史亦無慮矣出辨疑志太平廣記說文云齧人飛蟲从虫昆民聲亦或从昏以昏時出



也俗云蚊有昏市益蠅成市於朝蚊成市於暮傳曰聚蟲成雷謂其市之時也蟲民蟲蚤眠蟲田牧者病焉一曰蚤盲故謂之蚤揚子或問貨殖曰蚊益蚊之取利雖小然而善撓令人通夕不寐故雄以此託况說文曰秦晉謂之蚋楚謂之蚊益蚋喜亂飛似蚊而小望之如霧荀子所謂醯酸而蚋聚者也因雨而生與蚊實異一名贅木芮列子曰贅芮生乎腐蠶蠶藿即黃甲小蟲一名輿父一名守瓜爾雅云蠶輿父守瓜鶡冠子曰一蚋嗜慘膚不寐至旦半糠入目四方

弗治言物苟為害不必在大益亦不在多也蚊性惡烟以艾熏之則潰長啄如針善螫宋陸佃埤雅

蚊者惡水中子子所化嗜人肌膚其聲如雷東方朔隱語云長喙細身晝亡夜存嗜肉惡煙為掌指所捫其生草中者吻尤利而足有文彩吳興號豹脚蚊子所以从文以有文也亦或从昏志其出時也或从民昏之省也又用閩越之閩蟲之在門中者大抵秋後吻輒破不能螫或云更慘於未破時說文曰秦謂之蚋楚謂之蚊夏小正云丹鳥羞白鳥丹鳥螢也白鳥



蚊也。謂螢以蚊為羞，狼則未知其審也。金樓子云：齊威公卧於柏，寢白鳥營，饑而求飽，因開翠紗之幃，進蚊子焉。其蚊有知禮者，不食公之肉而退；有知足者，子立嗥公之肉而退；有不知足者，遂長喙短吸而食之。及其飽也，腹為之潰。公曰：嗟夫！民生亦猶是矣。蚊為小矣，而物又附之。江浦之間，有麼蟲名曰焦螟，群飛而集於蚊睫，弗相觸也。栖宿去來，蚊弗覺也。或曰：巢於蚊睫，再乳而蚊不驚，或云在蚊翼下，每生九卵，伏成九子，俱去而蚊不知。惟黃帝容成神，視氣聽形。

若嵩山之阿，而聲若雷霆，此所以極小大之分也。古

者謝章詔板用蚋脚書，亦一書之體。宋羅願兩雅翼

信安滄景之間，多蚊。蚤夏月，牛馬皆以泥塗之，不爾

多為蚤，蚤所斃。郊行不敢乘馬，馬為蚤，蚤所毒，則狂

逸不可制。行人獨輪小車，馬鞍蒙之以乘，謂之木馬。

挽車者皆衣韋袴，冬月作小坐牀，冰上拽之，謂之凌。

牀，予嘗按察河朔，見挽牀者相屬，問其所用，曰：此運

使凌牀，此提刑凌牀也。聞者莫不掩口。宋沉括夢溪筆談

機謹按：制淵鑑類函作致。



閩州故多蚊，屢市人家終夕不交睫。晚有道人舍於客邸，主家遇之頗厚。時召與小酌，雖儼直亦不與校。留數月，將別去，主人愧謝再三，不可留。乃言曰：吾久在此，辱君厚待，無以為報。有小藥當奉，令君家求絕蚊蚋之患。即取藥一粒，令投井中，戒曰：謹覆之。過三日，乃可汲。遂去。果如其言。每暑月，蚊雷飛喧，只在簷外，並不入屋。張魏公宣撫川陝時，開府於閩，士人估客往來無算，駢集此邸。至於散宿廊下，計所獲視他邸數倍焉。

宋洪邁分  
類夷堅志

荊葉逼蚊，蟲臺葱逼蠅子。物類相感志

九月九日，蚊子嘴生花。同上

麻葉燒烟能逼蚊子。同上

鱉與蝮蟬被蚊子叮了，即死。同上

泰州西溪多蚊，使者行，按左右以艾煙燻之。有一廳吏醉仆為蚊所嗜而死，世傳飽似櫻桃，重飢如柝絮。輕但知從此去，不要問前程。范文正公詩也。西溪瀚海堰呂蒙正所治，至今屋記尚在。後文正繼往故堰之城，至今為利。宋高郵孫升孫公談圃



江湖多白鳥，天地有青蠅。人遂以白鳥為鷺，而禮記月令群鳥養羞，鄭氏乃引夏小正丹鳥白鳥之說，謂白鳥為蚊蚋，則知以對青蠅，意有深矣。不然，江湖多白鷺，有何說邪？

宋黃徹君溪詩話

郭舍人曰：客從東方，旦歌且行，不從門入，踰我園牆，遊戲中庭。上人殿堂擊之拍，拍死者攘攘格鬪而死。主人不傷，是何物？東方朔曰：利喙細身，晝匿出昏，嗜肉惡烟，掌指所捫，臣朔愚戇，名之曰蚊舍。人辭窮，不免脫禪。

宋邵文伯五色線

范仲淹少時求為秦州西溪監，鹽其志欲吞西夏，知用兵利病耳，而麻舍多蚊蚋，文正戲題其壁曰：飽去櫻桃重，饑來桺絮輕。但知離此去，不用問前程。雖戲笑之語，亦愷悌渾厚之氣，逼人况其大者乎？

釋惠洪冷齋夜話

陸機詩：疏鷺謂之白鳥，夏小正：閩蚋謂之白鳥。

宋趙崇綯

鷄未子，古有細蟲曰焦蠅，集于蚊睫，蠻地有蟲極細，拭目難覩，黑點著身，抓搔不可耐，名雞未子。

宋朱輔溪蠻叢



笑

自幼愛接道友有一人能呼鼠群聚久之遣去亦能祛蚊自謂以法追禁始亦疑之久相與處察其動靜悉非况法每欲呼鼠必先期收市狼糞黑犬皮之類惟祛蚊之術不可知一夜醉寢取其篋中香末試燒蚊悉遠去但不知其用藥然正作荷花香來日叩之微笑不答想亦荷花之鬚耳雲間儲泳祛疑說

蚊齧人飛蟲是惡水中蟲羽化所生常晝伏而暮飛又有鳥其大如雞黑色名鷓從口中吐出嘗一二升

許謂之蚊母鳥生南方池澤菰蘆中也格物總論○合璧事類

蚊投水中能化小魚小魚獨魚子不生也○林蘭雜志○元伊世

珍聯  
懷記

蚊處處有之冬蟄夏出晝伏夜飛細身利喙啞人膚血大為人害一名白鳥一名暑蟲或作恭民謬矣化生于木葉及爛灰中產子于水中為子入蟲仍變為蚊也龜鼈畏之螢火蝙蝠食之故煮鼈入數枚即易爛也藏器曰嶺南有蚊子木葉如冬青實如枇杷熟則蚊出塞北有蚊母草葉中有血蟲化而為蚊江東



有蚊母鳥一名鷓每吐蚊一二升也

明李東璧本草綱目

齊桓公卧於柏寢謂仲父曰吾國富民殷無餘憂矣一物失所寡人猶為之於邑白鳥營飢而求食寡人因之開翠紗之帳進蚊于焉其蚊有知禮者不食公之肉而退其蚊有知足者噍公之肉而退其蚊有不知足者遂長噓短吸而食之及其飽也腸腹為之破潰公曰嗟乎民生亦猶是矣

梁元帝金樓子○明陳正學灌園集古叢

機謹按月令廣義白鳥營作白鳥營營帳作幃沮洳之區素多蚊蟲五六月間舟中蚊盛不可宿但

每至高郵望見泰山則蚊悉自舟中飛出無留影者相傳呂祖有煉陽菴在泰山之陽或有德氣驅之故如此屢驗云

明朱國禎湧幢小品

利嘴形如糠皮晝伏夜飛能吮人血江浦有草子生於水中久則化為蚊寒北有蚊母草茂而蚊變嶺南蚊子橘熟而蚊出此草木化也

明鄭善長彙苑詳註

機謹按寒當作塞

端午日收藏浮萍乾為末和雄黃作紙纏香焚之辟蚊又取浮萍投于厠上絕青蠅

明范貞一典籍便覽



端午日取伏翼倒懸曬乾和桂薰陸香為末燒之蚊

蟲飛去同上

端午日五更使一人堂中向空扇一人問云扇甚底

答云扇蚊子凡七問七答乃已則一夏無蚊蟲同上

焚鱧鱮骨及浮萍祛蚊又鼈骨最妙同上

荊州高齋盛夏之月無白鳥餘亟寢處於其中及移

餘齋則聚蚊之聲如雷矣數丈之間如此之異吁可

怪哉金樓子明陳耀文天中記

蠶性畏蚊蚊小螫之輒斃埤雅同上

元載有紫龍髯拂色如爛椹刻水晶為柄置于堂中

蚊蚋不入拂之有聲雞犬驚逸李日華時物典景

蚊害物蟲也凡有血氣者恒病焉然其所化不一江

南有孑孓生滄水中好屈伸水上見人泳去久則蛻

為蚊此蟲化也塞北有蚊母草草棘而蚊變嶺南有

蚊子木實如盧橘熟則綻蚊出實空此草木化也江

東有蠱母鳥生池澤茄蘆中黃白雜文鳴如鴿每鳴

吐蚊一二升此禽化也劉元卿賢奕編

京城夏月蚊多處人若於宵替百計薰逐不能成寐



其無蚊處雖帳幕可無用之有同一巷相隔竟十數家而彼此懸異者春佩賃移徙此地多矣巷陌瑣碎不足俵數顧學士謂春曰此異豈獨京城吾鄉淞江某方蚊多某方蚊少某門外城河中可里所絕無一蚊群人暑夜嘗移舟避宿其間其所以無蚊之故固不可推也春因記梁元帝金樓子云荊州高齋盛夏之月無白鳥余亟寢處其中及移餘齋則蚊聲如雷數丈之間如此之異然則古人嘗怪之矣明何孟春餘冬序錄春同羊方給事矩嘗以小魚鮮餉余一筋千頭曰此

吾鄉滇池物也唐段公路北戶錄云恩州出鷺毛腿其細如蝦虫豈此類耶同上

豹脚今花蚊南方蚊母鳥吐蚊諺云錢清蚊子大如鵝高郵蚊子大如鴨此地有露筋娘子廟是其證也北方元故都聞有大如蜻蜒者見北征錄大戴禮曰聖人有國蟲蚊不食天駒又晏子曰焦螟集于蚊睫栖宿去來而弗覺神異經方蚊翼下有小飛蟲生九卵成九子飛而去蚊不知即蠓蟻蝮子浮塵子之類

明田藝衡  
留青日札



水經注江陵古岸有李燒浦浦中偏無蚊蚋之患梁元帝金樓子云荆州高齋夏月無白鳥余亟寢處其中及移他齋則蚊聲如雷數丈之間如此之異白鳥蚊也

明華亭陳繼儒書蕉

機謹按湖廣通志同

永樂八年六月二十七日發長樂鎮州間多蚊大者

如蜻蜒拂面最嗜拂之不去

明金知孜北征錄

五日硃砂寫茶字倒貼辟蛇蠍寫白字倒貼辟蚊蟲

寫儀方二字倒貼亦妙

錢唐瞿祐居家宜忌

歐陽公曰予昨作憎蠅賦蠅可憎矣尤不堪蚊子自

遠嚶喝來咬人也

明彭大翼山堂肆考

郭舍人曰願問朔一事朔得臣願榜一百朔窮臣當

賜帛曰客從東方歌謠且行不從門入踰我垣墻遊

戲中庭上升殿堂擊之桓桓死者攘攘格閏而死土

人被是何物也朔曰長喙細身晝亡夜存嗜肉惡燈

為掌指所捫臣朔愚戇名之曰蚊舍人辭窮復脫禪

東方朔明劉仲達鴻書

機謹按土人當作主人被字之下疑脫傷字也禪



當作禪

蚊蓋水蟲所化故近水處皆多自吳越至金陵淮安一帶無不受其毒者而吳興高郵白門尤其甚蓋受百方之水汙港無數故也李趙唐史補稱江東有蚊母鳥湖州尤甚余在湖州蚊則多矣不聞有鳥吐蚊也南中又有蚊子木實如枇杷熟則裂而蚊出焉塞外又有蚊母草亦生蚊者鳥之吐蚊如蠅之糞蟲不足異也草木生蚊斯足異矣


明陳留謝肇淛五雜俎

荊州江古岸有李姥浦浦中偏無蚊蚋之患梁元帝

金樓子云荊州高齋無白鳥余亟寢處其中及移餘齋則蚊聲如雷數丈之間如此之異何子元云北京其街蚊多其坊蚊少其無蚊處雖帳幕可無顧士廉云松江亦然又某門外城河中可里餘絕無一蚊郡人暑月嘗移舟避宿其間余以何顧兩公之言泰之水經注紀李姥浦金樓子紀高齋二事信有此理滇中環湖苦多蚊而寶珠寺乃絕無影響其理不可曉也

楊升菴先生文集

江山黃借菴戲作驅蚊賦一篇謂虎可德化鍾可文





驅蚊最不靈為血肉喪軀其借以垂戒亦正論也揚  
慈湖簡作夜蚊詩反其意而譽蚊謂其傍耳皆雅奏  
觸面皆深機勝于人之耳提面命而頑銅莫曉益以  
蚊為靈于人也異哉其見于夫麟鳳龜龍世莫不以  
為靈物蚊蠅蚤蝨世莫不以為惡蟲自六朝至宋元  
雖文士詩客嘲辭戲語未有譽蚊蠅蚤蝨而貶麟鳳  
龜龍者况以蚊而貶人乎慈湖主張象山之禪學一  
時從其說者猶少故憤而發此言耳慈湖深入禪學  
既謂蚊為靈物何不學古禪僧躬至團風陽羅以身

齋餓蚊乎議論一偏如此可以講學明道邪同上

內典曰比丘患草蟲佛聽作佛子注草蟲昏蟲也又

曰下門蟲○古篆蚊作蠱從昏從蟲又作一闔此即

下門字蚊之義顯然明楊升菴外集

閩門外女墳湖中俗名沙盆獨無蚊南距釣橋北接因

城湖俗誤陰澄其地即不然矣錢希言集


蚊齧人飛蟲長喙如針性惡烟以艾燻之則潰其生  
草中者吻尤利而足有文彩吳興號豹脚蚊子所以  
从文以有文也亦或从昏志其出時也或从民昏之



省也說文云秦謂之蚋楚謂之蚊江浦之間有麼蟲名曰焦螟巢於蚊睫再乳而蚊不覺每生九卵伏成九子俱去而蚊不知明王思義三才圖會續集蚊害物蟲也凡有血氣者恒病焉然其所化不一江南有子入生灣水中好屈伸水上見人泳去久則蛻為蚊此蟲化也塞北有蚊母草草楸而蚊變嶺南有蚊子木實如盧橘熟則綻蚊出實空此草木化也江東有蟲母鳥生池澤茹蕙中形類烏鷄而大黃白雜文鳴如鴿每鳴吐蚊一二升此禽化也爾雅淮南子

李肇唐史補陳藏器本草注頗載其事以予觀之四類之中唯蟲母出蚊特夥蟲母鷄也予因作逐鷄文使鷄可逐也則人之胎既戕物者其知所警也宋學士全集

百拙生蚊說云拙生薄暮閱書精神少怠息偃在牀有蚊曰翁翁似稱贊余以求食余以肉中血喂之少頃視焉蚊若醉腹紅脹而死此以口體之慾殺其身人中之貪夫也又一蚊鳴之數聲寂爾無響潛入幃中將啗余余覺而撲之死此可比刺客也者方其鳴





也即如易水之歌入余之嚙利其嘴如藥匕首余撲而殺之比荆軻不利于秦廷也家人曰夫一蚊曰貪夫曰刺客子何巧于喻忽焉而聚鳴成雷家人曰子復有所喻不余曰此范陽之兵乎急命火攻之家人秉炬至大如揮霍余咲曰此孔明燒藤甲軍也奈之何藤甲軍種類一燒而絕蚊之種類燒而不絕吾未如之何也已矣

明李卓吾李氏述書

東坡曰湖州多蚊豹脚猶毒其詩云飛蚊猛捷如花驚又曰風定軒窗飛豹脚湖之豹脚蚊著名久矣舊

傳崇王入侍壽王壽王以蚊問後赴宴因以小金合貯豹脚數十枚進呈蓋不特著名且呈一覽蓋蚊乃水蟲所化澤國故應爾吳興獨江子滙無蚊舊傳馬自龍嘗泊舟於此所致故錢信平望蚊詩云安得神僊術試為施康濟使此平望村如吾江子滙渡淮蚊蚋猶甚高郵露筋廟是也孫公談圃云秦州西洋多蚊使者按行以艾烟薰之有一廳吏醉卧為蚊所嗜而死世傳范文正詩云飽似櫻桃重饑如桺絮輕即其地也大河以北河水一解如雲如煙若信安滄景



之間夏月牛馬皆塗以泥否則必為所斃然蚊亦不止水蟲所化爾雅鷓蟲母一名蚊母相傳此鳥能吐蚊陳藏器云其聲如人嘔吐每吐輒出蚊一二升李肇唐史補稱江東有蚊母鳥亦謂之吐蚊鳥夏夜吐蚊于叢葦間湖州猶甚又云端新州有鳥類青鷓而嘴大常於池塘捕魚每一鳴則蚊群出其口亦謂之吐蚊鳥又謂之鷓然以其羽為扇却可辟蚊嶺南有蚊子木實如枇杷熟則自裂蚊盡出而實空塞北有蚊母草其說亦然宇宙之間物生之異有如此者豈

獨蚊哉

明張鼎思  
聯邪代辭

淮南子曰水蠱為蠓子又為蠱兒嚙為蟹物之所為出於不意弗知者驚知者不恠今子又汗水中無足蟲也好自伸屈於水上見輒沉久則蛻而蚊東方朔隱語云長喙細身晝亡夜存嗜肉惡煙為指掌所捫若生草中者吻猶利而足有文彩故號為豹脚所謂蚊也又其字或從昏志其出時也又為閩以蟲之在門中也說文秦謂之蚋楚謂之蚊夏小正丹鳥羞白鳥傳白鳥謂閩蚋也謂螢以蚊為糧云

牙居折反又  
句二反齊東



野語 ○ 同上

說文曰秦晉謂之蚋楚謂之蚊蚋喜亂飛似蚊而小望之如霧荀子所謂

醴酸而蚋聚者也因而雨而生與蚊實異一名督列子曰香蚋生于腐壻壻即黃甲小蟲一名與父一名守

鶻冠子曰夫蚊蟲墜于千仞之谿乃始翱翔而成其容

孫卿子曰空中有人名曰鮫蚊蟲之聲聞則挫其精燕山錄曰煮蠶以蚊

致虛雜俎曰閩門沙盆潭獨無白鳥帳幕可已與滇

中寶珠寺荊州李姥浦同

北征記曰常樂鎮蚊大如蜻蜒

蕭廣濟孝子傳曰辰勒少失父與母居傭作供養天多蚊卧母牀下以身當之

論衡曰世稱南陽卓公為緱氏令蝗蟲不入界蓋以賢明至誠災蟲不入其縣也此又虛也夫同類能相知心然後慕服蝗蟲蚊蚋之類也何能知卓公之化乎使賢者處于深野之中蚊蚋不入其舍乎

埤雅廣要曰俗云蚊有昏市蓋蠅成市于朝蚊成市



於暮傳曰聚蚊成雷謂其市之時也

晉傅選蚊賦曰水與草其漸茹育茲孽而為蚊噉味  
銳于秋毫刺鋸利于芒錐無胎卵而化生傳羽翼而  
能飛肇孟夏以朋起迄季秋而不衰衆繁熾而無數  
動羣聲而成雷肆慘毒于有生迺餐膚以療飢妨農  
功于南畝廢女工于杼機

文獻通考曰南室韋在契丹北三千里

蓋曠了山其山周迴三百里又經屈利水始到其國土地卑濕至夏則移向西

貢勃次對二山多草木饒禽獸然多蚊蚋人皆巢居

以避其患 以上淵鑑類函

雨水多則蚊多天晴南薰久則蚊亦少夏月線滌編

蝠血橫縫帳額蚊不入金幼攷北征記常樂鎮蚊大

如蜻蜒 中履曰鄴道元言江陵古岸李浦无蚊金樓

老峯无蚊以風涼也○清曉桐方氏浮山此藏軒物理小識

蚊無焚切音文飛蟲長喙如針善螫人冬蟄夏出晝  
伏夜飛法言或問貨殖曰蚊血國三千言取利小而  
善撓人也亦作蚤莊子人間世適有蚤蚩僕緣而折  
之天下篇觀惠施之能猶一蚤一蚩之勞者也亦作



蠱淮南子雲臺之高墮者折脊碎腦而蠱蚩適足以  
翔翔漢中山靖王傳聚蠱成雷又汙水中小赤蟲名  
蛸蠖一名子子無足細如縷長二三分穴細沙中如  
針孔俗呼沙蟲群浮水際遇人暫沉其行一曲一直  
以腰為力若人無臂子音結了音厥故又名蛸蠖經  
日久蛸為花蚊勳去吻尤利足有文采曰豹脚蚊又  
元稹長慶集云蜀中小蚊名蚋子又小而黑者名蠖  
子微不可見與塵相浮上下者名浮塵子皆伏已蛇  
鱗中能透衣入人膚成瘡毒搗楸葉汁傳之瘡又國

史補嶺南有蚊樹似枇杷樹皮裂蚊紛狀而出又本  
草陳藏器曰塞北有蚊母草葉中有血蟲化為蚊又  
鳥曰蠱母郭璞云似鷄而大黃白雜文聲如人嘔一  
名顛每吐蚊一二升也一名暑蟲一名白鳥杜甫寄  
劉峽州伯華使君長篇江湖多白鳥天地亦青蠅又  
金幼孜北征記常樂鎮蚊大如蜻蜒蠱蠱蚩同省  
作蚤蚊方言謂秦晉曰蚋楚謂之蚊合蚋蚊為一物  
非又陸佃云蠱害民故曰蠱蚩害毗故曰蚩按蠱之  
為害非一類蚊說文从昏作蠱信如陸說則是蠱害



昏也泥从匕从民立詰尤非清廖文英正字通

內典曰比丘患草蟲佛聽作拂子註草蟲昏蟲也又

曰下門蟲志蚊也清王錄

蚊長嘴如鍼能螫人性惡煙以艾薰之則潰夏秋間

最多汀州府誌

劉光店在縣東三十里漢光武北征王即駐蹕於此

先是軍中苦蚊帝至蚊盡去人謂其地至今無蚊患

云封丘縣誌

安峯在西山其地當暑無蚊蚋新建縣誌

鳳凰山崖上有僊人掌跡甚鉅南有釣臺及呂洞賓

所遊之地名為呂道岸其地夏日蚊蠅不入所產艾

草入藥最佳天台山方外誌

李奎報送李史館赴任序予固聞巨濟炎方之極微

也家於水中環四面皆瀛海浩漭也毒霧蒸颯風

不息暑月有蚊蚋之大於蜂者群集嗜人誠可畏也

東國輿地勝覽

蚊郭舍人曰客從東方來歌謳且行不從門入踰我

門墻擊之桓桓死者穰穰格鬪而死主人被創是何



物也東方朔曰長喙細身晝亡夜存嗜肉惡煙為指  
掌所捫臣朔愚戇名之曰蟲漳州府志

機謹按諸羅縣志同

蚤古今註呼蚤蚋為黍民又為豹脚大載禮丹鳥羞  
白鳥白鳥謂蚤蚋甫金樓子齊相會曰一物失所寡  
人悒悒白鳥營營是必饑爾開翠紗之幃進之有知  
禮者不食公之肉而退有知足者集公之肉而退有  
不稱足者長噓短吸而食之及其飽也腹腸為之潰

破封川縣志

蚊性惡煙以艾薰之則潰曰蚋曰蠓曰浮塵江西新城縣志

長喙如針善螫入冬蟄夏出晝伏夜飛生於木葉爛

灰及陰濕之地一種小沙蟲所化足有白文者其吻

尤利又有一種至微而黑曰蠓子白晝擾人條去條

來尤可惡也陽春縣志

一名黍民一名白鳥布卵水為子又復化為蚊也而

子又二種有化白鳥者有化花蚊者一種最黑而小

為蠓子中土秋月蚊破喙嶺表冬夏皆能嚙人高要縣志

蚊各州縣烏喇寧古塔諸山林中皆有之獨奉天數



里之內甚少盛京通志

東方朔曰長喙細身晝亡夜存嗜肉惡烟名之曰蠱

漳浦縣志

說文云秦晉謂之蚘楚謂之蚊古今註云河內人見數十萬騎皆大于黍以火燒之人皆成蚊蚘馬皆成大蟻故蚊曰黍氏蟻曰玄駒也辯疑志云潤州城南隅萬歲樓俗傳樓上烟出不祥開元前以潤州為凶闕董琬為江東採訪使嘗居此州其時晝日烟出刺史皆憂懼乾中復狀圓可一尺餘直上數尺吏密

伺其烟乃出於樓角隙中逼而視之則蚊蚘也丹徒縣志

李雲峯驅蚊詩云兩貌猥微爾性陰營營昏夜一貪

心刺人專肆口中舌吮血全憑嘴上針窗外雨無三

兩點帳前雷有幾多聲律未粉骨難償罪斯世誰能

一掃清杭州府志

蚊性惡烟以艾薰之則潰金壇縣志

蚊爾雅曰蚊性惡烟與艾燻則潰武寧縣志

蚊利嘴形如糠皮晝伏夜飛吮人血仁和县志

蚊水鄉多蚊豹脚尤毒東坡守湖日有詩云風定軒



窻飛豹脚又云飛蚊猛捷似花鴛城中惟江渚滙無

蚊以蜃氣在也鳥程縣誌

蚊長喙善刺性惡烟以艾薰之則潰說文曰齧人飛

蟲從蟲民聲一或從昏以昏時出也廣信府志

機謹按鉛山縣志同

蚊草葉上有包開有蚊出進賢縣志

蚊俗云蚊有昏市益蠅成市於朝蚊成市於暮曹縣志



